



Katika Mkono wa Kuume wa Mungu

Naona mbingu zimefunguka, na Mwana wa Adamu amesimama mkono wa kuume wa Mungu.—**Matendo 7:56.**

Stefano, wa kwanza miongoni mwa mashemasi saba, alikuwa mtu mcha Mungu na mwenye imani kubwa....

Makuhani na wakuu waliiona nguvu iliyoambatana na mahubiri ya Stefano, walijawa na chuki kuu. Badala ya kuukubali ushahidi alioutoa, walianua kuinyamazisha sauti yake kwa kumuua....

Makuhani na watawala hawakuweza kushinda dhidi ya hekima ya wazi, na tulivu ya Stefano. Walidhamiria kumfanya kuwa mfano, na kuitosheleza chuki yao ya kulipiza kisasi, ili kuwaziua wengine, kwa woga, wasiikubali imani yake. Mashahidi walikodiwa kutoa ushuhuda wa uongo kwamba walimsikia akinena maneno ya kufuru dhidi ya Hekalu na sheria....

Stefano alipoulizwa juu ya ukweli wa madai yaliyotolewa dhidi yake, alianza utetezi wake kwa sauti ya kusikika vyema na yenye kusisimua, ambayo ilisikika kote kwenye ukumbi wa baraza.... Aliona upinzani dhidi ya maneno yake, na kujua kwamba alikuwa akitoa ushuhuda wake wa mwisho. Alipomhusianisha Yesu na unabii, na kuingea kama alivyofanya juu ya Hekalu, kuhani, akijidai kushtushwa, akararua vazi lake. Kwa Stefano, tendo hili lilikuwa ishara kwamba sauti yake hivi punde ingenyamazishwa milele. Japokuwa ndio tu alikuwa katikati ya hubiri lake, ghafla alihitimisha. Mfungwa aliisoma hatima yake katika nyuso katili dhidi yake, lakini hakutetereka. Hofu ya kifo ilikuwa imetoweka. Makuhani wenye ghadhabu na umati ulisisimka hawakuwa na hofu juu yake. Mandhari iliyokuwa mbele yake ilififia machoni pake. Malango ya mbinguni yalifunguliwa kidogo mbele yake, na alipoangalia ndani, aliona utukufu wa nyua za Mungu, na Kristo, kana kwamba tu ameinuka kutoka katika kiti Chake cha enzi, akiwa amesimama tayari kwa ajili ya kumtia nguvu mtumishi Wake, ambaye alikaribia kufa kifo cha mfa dini kwa ajili Yake. Kwa maneno ya ushindi Stefano alitangaza, "Naona mbingu zimefunguka, na Mwana wa Adamu amesimama mkono wa kuume wa Mungu."

Alipokuwa akielezea mandhari ya utukufu yalifunguliwa mbele yake, ilikuwa nje ya uwezo wa watesi wake kustahimili. Wakifunga masikio yao ili wasiweze kusikia maneno yake, na kutoa kilio kikuu, walimkimbia kwa ghadhabu na kwa nia moja. "Wakampiga kwa mawe Stefano, naye akimwomba Mungu na kusema, Bwana Yesu, pokea roho yangu. Akapiga magoti, akalia kwa sauti kuu, Bwana, usiwahesabie dhambi hii. Akiisha kusema hayo, akalala"

Muhuri wa Mungu juu ya uso wa Stefano, na maneno yake, ambayo yalifikia roho za wale walioyasikia, yalibaki katika akili za watazamaji, na kushuhudiza ukweli wa yale aliyokuwa ameyatangaza (The Review and Herald, Februari 23, 1911).